

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-905/11
Sarajevo, 18.07.2011. godine

Z A P I S N I K
**3. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 18. jula 2011. godine**

Sjednica je počela u 11.45.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije BiH Živka Budimira, zamjenika premijera Desnicu Radivojevića, ministre u Vladi Federacije BiH, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su: Branislav Crnogorac, Dževad Rađo, Elvira Abdić-Jelenović, Đuro Prkačin, Hanka Vajzović, premijer Nermin Nikšić i zamjenik premijera Jerko Ivanković Lijanović.

Na osnovu evidencije Stručne službe, predsjedavajuća je konstatovala da sjednici prisustvuje 51 delegat, što čini većinu, te Dom naroda može raditi i punovažno odlučivati.

Nakon toga, predsjedavajuća je dala na glasanje Zapisnik 4. vanredne sjednice Doma naroda i Zapisnik 2. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi (37 glasova za, šest uzdržanih glasova i dva glasa protiv), usvojio Zapisnik 4. vanredne sjednice Doma naroda Parlamenta Federacije BiH, održane 29.06.2011. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi (38 glasova za, jedan glas protiv i sedam uzdržanih glasova), usvojio Zapisnik 2. sjednice Doma naroda Parlamenta Federacije BiH, održane 16.06.2011. godine.

Nakon toga, predsjedavajuća je podsjetila delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Ivo Divković postavio je pitanje federalnom ministru energije, rudarstva i industrije da li je Strategija restrukturiranja elektroenergetskog sektora Federacije Bosne i Hercegovine još važeća i obavezujuća za privredna društva na koja se odnosi i da li se planira njena implementacija. Upitao je, ako ova strategija nije važeća kako Federalno ministarstvo energije, rudarstva i industrije planira realizirati obaveze iz direktiva Evropske unije vezane uz liberalizaciju tržišta električne energije u Federaciji Bosne i Hercegovine.

Mira Ljubijankić postavila je pitanje Federalnom ministarstvu prometa i komunikacija i Direkciji Željeznica Federacije Bosne i Hercegovine - zašto je ukinuta željeznička linija Sarajevo – Bihać, te je insistirala da se ona ponovo uspostavi.

Amel Hadžiabdić postavio je pitanje federalnom ministru trgovine - zašto veliki trgovački centri ne primjenjuju član 13. Zakona o trgovini koji propisuje da objekti površine veće od 1000 m² moraju podnijeti izjavu o zastupljenosti domaćih prehrambenih proizvoda u visini od najmanje 50% u visini i u asortimanu robe. Pokrenuo je inicijativu da se ovaj zakon odnosi i na objekte manje od 1000 m².

Mijo Matanović postavio je pitanje Kolegiju Doma naroda - kada će na dnevnom redu sjednice Doma naroda biti Prijedlog Odluke o davanju saglasnosti za prihvatanje kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje.

Predrag Kojović pokrenuo je inicijativu da se i pripadnicima ostalih omogućiti da imaju jednak broj delegata u Domu naroda Parlamenta Federacije Bosne i Hercegovine kao i konstitutivni narodi i da delegati iz reda ostalih imaju jednaka prava kao i delegati konstitutivnih naroda. Također, pokrenuo je inicijativu da se preciznije definira nadležnost Doma naroda na način da u pravom smislu štiti sve građane Federacije.

Josip Perić izjavio je da nije dobio odgovor na pitanje koje je ranije postavio Vladi Federacije, Regulatornoj komisiji za električnu energiju i Elektroprivredi BiH i Elektroprivredi HZ HB - kolika je cijena potrošnje jednog kilovata električne energije u kućanstvu, a kolika u industriji, te kolike su dažbine na potrošnju električne energije u industriji, a kolike na priključke. Upitao je da li je cijena struje ista u Elektroprivredi BiH i u Elektroprivredi HZ HB.

Pokrenuo je inicijativu za održavanje tematske sjednice Doma naroda o stanju privrede u Federaciji BiH.

Mladen Lonić pokrenuo je inicijativu da Federalno ministarstvo poljoprivrede, vodoprivrede i šumarstva riješi problem nemogućnosti sječe drveta u onim općinama koje nemaju svoju gruntovnicu, već samo posjedovni list kako bi se fizičkim licima koji imaju šumu u privatnom vlasništvu omogućila sječa drveta.

Almedin Aliefendić postavio je dva delegatska pitanja Federalnom ministarstvu energije, rudarstva i industrije i JP Elektroprivredi BiH.

Prvo pitanje odnosi se na dobit koji je Elektroprivreda BiH d.d. Sarajevo ostvarila u posljednje četiri godine i koliko je sredstava uplaćeno na osnovu poreza na dobit i u koji budžet su uplaćena ova sredstva.

Drugo pitanje odnosi se na zakonski osnov i kriterije za određivanje iznosa naknada za sklapanje ugovora o prijateljskom okruženju sa lokalnim zajednicama. Upitao je koliko je sredstava utrošeno u posljednje četiri godine po ovom osnovu i sa kojim općinama su potpisani navedeni ugovori.

Jasmin Smailbegović pokrenuo je inicijativu za izmjenu Odluke o određivanju drugih djelatnosti koje ne podliježu obavezi evidentiranja prometa putem fiskalnih uređaja.

Zatražio je od Federalnog ministarstva finansija da izda uputstvo kojim bi se bliže odredilo vršenje fiskalizacije računa prema fondu zdravstvenog osiguranja.

Slobodan Tomić zahvalio je Radio-televiziji Federacije Bosne i Hercegovine na dobijenom odgovoru, ali je izrazio nezadovoljstvo Federalnom ministarstvu raseljenih osoba i izbjeglica zbog neodgovaranja na njegova pitanja.

Upitao je Federalno ministarstvo unutrašnjih poslova u vezi sa određivanjem visine kazni počiniocima prekršaja u saobraćaju i odgovornim licima u prevozničkim firmama.

Drago Puzigaća upitao je Kolegij Doma naroda kada će Dom razmatrati akte koje nije predložila Vlada Federacije a koje je usvojio Predstavnički dom.

Ivo Tadić zatražio je od Vlade Federacije spisak svih savjetnika u federalnim ministarstvima i Vladi Federacije sa njihovim statusom (radni odnos ili ugovor o djelu) i svim drugim potrebnim pokazateljima.

Radoje Vidović postavio je pitanje prema kojim kriterijima su imenovani članovi privremenih upravnih i nadzornih odbora u protekla četiri mjeseca, te zatražio njihova imena i podatke o stručnoj spremi.

Daliborka Milović postavila je pitanje Ministarstvu za ljudska prava i izbjeglice Bosne i Hercegovine u vezi sa podacima koji se odnose na utrošak novčanih sredstava namijenjenih za povratak i održivi povratak sa imenima korisnika, vrstom i visinom pomoći za Bosanskohercegovački kanton Goražde u 2010. i prvoj polovini 2011. godine. Zatražila je dostavu Programa koji će biti prezentovani na donatorskoj konferenciji za provedbu Aneksa 7. Općeg okvirnog sporazuma na mir koja će se održati u jesen 2011. godine.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog izmjena i dopuna Budžeta Federacije Bosne i Hercegovine za 2011. godinu i Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2011. godinu sa prijedlogom da se razmatraju po hitnom postupku.

Kolegij Doma naroda predložio je da se ovi akti ne razmatraju na današnjoj sjednici, već na sjednici koja će se održati krajem mjeseca kako bi delegati imali dovoljno vremena da se upoznaju sa aktima.

Delegati su podržali prijedlog da se ovi akti skinu sa dnevnog reda ove sjednice.

Potom je predsjedavajuća obavijestila delegate da je Vlada Federacije dostavila Prijedlog Zakona o izmjenama i dopunama Zakona o bankama i Prijedlog Zakona o izmjenama i dopunama Zakona o Agenciji za bankarstvo Federacije Bosne i Hercegovine sa prijedlogom da se razmatraju po hitnom postupku. Budući da je Predstavnički dom ove akte razmatrao u formi nacrt zakona, Kolegij Doma naroda je predložio da i Dom naroda razmatra ove akte u formi nacrt zakona, što su delegati prihvatili.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama Zakona o ograničenoj upotrebi duhanskih prerađevina, Prijedlog Zakona o izmjenama i dopunama Zakona o zdravstvenom osiguranju, Prijedlog Zakona o izmjenama i dopunama

Zakona o slobodi pristupa informacijama u Federaciji Bosne i Hercegovine, Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave i Prijedlog Zakona o izmjeni Zakona o visini stope zatezne kamate na neizmirena dugovanja sa prijedlogom da se razmatraju po skraćenom postupku.

Potom su se delegati izjašnjavali o razmatranju dostavljenih prijedloga zakona po skraćenom postupku.

Na osnovu rezultata glasanja, predsjedavajuća je konstatovala da je:

- sa 34 glasa za, uz pet glasova protiv i uz sedam uzdržanih glasova, Dom naroda Parlamenta Federacije Bosne i Hercegovine prihvatio da se Prijedlog Zakona o izmjenama Zakona o ograničenoj upotrebi duhanskih prerađevina razmatra po skraćenom postupku;
- sa 35 glasova za, uz tri glasa protiv i uz deset uzdržanih glasova, Dom naroda Parlamenta Federacije Bosne i Hercegovine prihvatio je da se Prijedlog Zakona o izmjenama i dopunama Zakona o zdravstvenom osiguranju razmatra po skraćenom postupku;
- sa 36 glasova za, uz šest glasova protiv i uz šest uzdržanih glasova, Dom naroda Parlamenta Federacije Bosne i Hercegovine prihvatio je da se Prijedlog Zakona o izmjenama i dopunama Zakona o slobodi pristupa informacijama u Federaciji Bosne i Hercegovine razmatra po skraćenom postupku;
- sa 33 glasa za, uz osam glasova protiv i uz osam uzdržanih glasova, Dom naroda Parlamenta Federacije Bosne i Hercegovine prihvatio je da se Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave razmatra po skraćenom postupku;
- sa 34 glasa za, uz šest glasova protiv i uz sedam uzdržanih glasova, Dom naroda Parlamenta Federacije Bosne i Hercegovine prihvatio je da se Prijedlog Zakona o izmjeni Zakona o visini stope zatezne kamate na neizmirena dugovanja razmatra po skraćenom postupku.

Amir Zukić je, ispred Kluba delegata bošnjačkog naroda, predložio da se u dnevni red uvrsti kao 1. tačka dnevnog reda – Rezolucija Evropskog parlamenta o Srebrenici.

Radoje Vidović, predsjednik Kluba delegata hrvatskog naroda, i Mira Ljubijankić, predsjednica Kluba delegata srpskog naroda, ispred svojih klubova podržali su ovaj prijedlog.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 42 glasa za i

uz tri uzdržana glasa, uvrstio Rezoluciju Evropskog parlamenta o Srebrenici kao 1. tačku dnevnog reda.

Kako više nije bilo prijedloga za izmjenu i dopunu dnevnog reda, predsjedavajuća je dnevni red dala na glasanje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz tri glasa protiv i uz pet uzdržanih glasova, usvojio sljedeći:

D N E V N I R E D

1. Rezolucija Evropskog parlamenta o Srebrenici,
2. Prijedlog Zakona o izmjenama Zakona o ograničenoj upotrebi duhanskih prerađevina – skraćeni postupak,
3. Prijedlog Zakona o izmjenama i dopunama Zakona o zdravstvenom osiguranju - skraćeni postupak,
4. Prijedlog Zakona o izmjenama i dopunama Zakona o slobodi pristupa informacijama u Federaciji Bosne i Hercegovine - skraćeni postupak,
5. Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave - skraćeni postupak,
6. Prijedlog Zakona o izmjeni Zakona o visini stope zatezne kamate na neizmirena dugovanja – skraćeni postupak,
7. Nacrt Zakona o izmjenama i dopunama Zakona o bankama,
8. Nacrt Zakona o izmjenama i dopunama Zakona o Agenciji za bankarstvo Federacije Bosne i Hercegovine,
9. Nacrt Zakona o ličnom imenu,
10. Program rada Vlade Federacije Bosne i Hercegovine za 2011. godinu,
11. Zaključak o učešću Vlade Federacije Bosne i Hercegovine u izgradnji spomenika Papi Ivanu Pavlu II,
12. Izbori i imenovanja
- Izbor članova iz Doma naroda u Parlamentarnu komisiju odgovornu za reviziju.

1. Rezolucija Evropskog parlamenta o Srebrenici

Rezoluciju je donio Evropski parlament.

Predstavnički dom je na 3. sjednici od 14.07.2011. godine donio Rezoluciju o Srebrenici u tekstu kako ju je donio Evropski parlament.

Rezoluciju je obrazložio Amir Zukić, predsjednik Kluba delegata bošnjačkog naroda.

U raspravi su učestvovali: Predrag Kojović, Josip Perić, Mirjana Malić, Almedin Aliefendić, koji je predložio da se u skladu sa članom 112.

Poslovnika o radu Doma naroda glasa javno, Sretko Radišić, Zoran Jovanović, Ivo Tadić i Damir Čardžić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 45 glasova za, usvojio Rezoluciju Evropskog parlamenta o Srebrenici.

2. Prijedlog Zakona o izmjenama Zakona o ograničenoj upotrebi duhanskih prerađevina

Prijedlog Zakona utvrdila je Vlada Federacije.

Predstavnički dom je na 2. sjednici od 22.06.2011. godine usvojio Prijedlog Zakona sa jednim amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona.

Amandman glasi:

U članu 20.a u stavu 2. riječi: "12 mjeseci" zamjenjuju se riječima: "6 mjeseci".

Prijedlog Zakona razmatrala su nadležna radna tijela i dostavila izvještaje.

Na Prijedlog Zakona Vesna Nemeć-Klisura podnijela je amandman koji se odnosi na stav 4. u članu 14. Prijedloga Zakona. Amandman je dostavljen Vladi Federacije na izjašnjavanje.

Prijedlog Zakona obrazložio je Rusmir Mesihović, federalni ministar zdravstva, i izjavio da Vlada Federacije ne prihvata amandman i da se u Prijedlogu Zakona na hrvatskom jeziku u članu 3. u st. 1., 2., 3. i 4. i u članu 4. u st. 1., 2., 3. i 4. potkrala štamparska greška tako da umjesto riječi "prijestup" treba pisati riječ "prekršaj" u odgovarajućem padežu.

Mijo Matanović je, ispred Komisije za jednakopravnost spolova, izjavio da Komisija podržava amandman Vesne Nemeć-Klisura.

U raspravi su učestvovali: Vesna Nemeć-Klisura, koja je izjavila da odustaje od amandmana, Senahid Šaković i Mira Ljubijankić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz četiri glasa protiv i uz šest uzdržanih glasova, usvojio Prijedlog Zakona o izmjenama Zakona o ograničenoj upotrebi duhanskih prerađevina.

3. Prijedlog Zakona o izmjenama i dopunama Zakona o zdravstvenom osiguranju

Prijedlog Zakona utvrdila je Vlada Federacije.

Predstavnički dom je na 2. sjednici od 22.06.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Rusmir Mesihović, federalni ministar zdravstva.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz tri glasa protiv i uz šest uzdržanih glasova, usvojio Prijedlog Zakona o izmjenama i dopunama Zakona o zdravstvenom osiguranju.

4. Prijedlog Zakona o izmjenama i dopunama Zakona o slobodi pristupa informacijama u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 2. sjednici od 22.06.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

Segmedina Srna-Bajramović je, ispred Komisije za informiranje, izjavila da se trebaju uskladiti novčane kazne sa Krivičnim zakonom Federacije Bosne i Hercegovine, Zakonom o prekršajima Federacije Bosne i Hercegovine i Zakonom o organizaciji organa uprave u Federaciji Bosne i Hercegovine.

U raspravi su učestvovali Mira Ljubijankić i Jasmin Smailbegović, koji je pročitao Zaključak Kluba delegata bošnjačkog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz tri glasa protiv i uz šest uzdržanih glasova, usvojio Prijedlog Zakona o izmjenama i dopunama Zakona o slobodi pristupa informacijama u Federaciji Bosne i Hercegovine uz sljedeći:

ZAKLJUČAK

Obavezuje se Vlada Federacije Bosne i Hercegovine da pristupi izmjenama i dopunama Zakona o slobodi pristupa informacijama u Federaciji Bosne i Hercegovine ("Službene novine Federacije BiH", br. 32/01) na osnovu predloženog rješenja Transparency International-a i u skladu sa zakonskim rješenjima na nivou Bosne i Hercegovine (Zakon o slobodi pristupa informacijama u Bosni i Hercegovini, "Službeni glasnik BiH", br. 28/00).

5. Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave

Prijedlog Zakona utvrdila je Vlada Federacije.

Predstavnički dom je na 2. sjednici od 22.06.2011. godine usvojio Prijedlog Zakona u tekstu kako ga je predložila Vlada Federacije Bosne i Hercegovine.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

Mijo Matanović je, ispred Komisije za jednakopravnost spolova, izjavio da ovim prijedlogom zakona nije u potpunosti ispoštovana presuda Ustavnog suda Federacije, te je predloženo Vladi da se utvrde izmjene i dopune Zakona o pripadnosti javnih prihoda u Federaciji Bosne i Hercegovine i tako utvrdi bolji položaj kantona.

Radoje Vidović je, ispred Kluba delegata hrvatskog naroda, zatražio pauzu kako bi se Klub odredio prema ovom prijedlogu zakona.

Nakon pauze, Radoje Vidović je izjavio da je osam članova Kluba delegata hrvatskog naroda zauzelo stav da Prijedlog Zakona nije do kraja ispoštovao presudu Ustavnog suda Federacije i da Federacija u oblastima obrazovanja, nauke, kulture i sporta nema nadležnosti, već da je to u isključivoj nadležnosti kantona.

U raspravi su učestvovali: Mirko Batinić, Mira Ljubijankić, Radoje Vidović, Tomislav Martinović, Mirjana Malić, Zoran Jovanović, Aner Žuljević, Damir Čardžić, Damir Mašić, federalni ministar obrazovanja i nauke, Ivan Brigić, Salko Selman i Edina Papo.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz sedam glasova protiv i uz tri uzdržana glasa, usvojio Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave.

Budući da je Ivo Tadić izrazio sumnju u rezultate glasanja, pristupilo se poimeničnom glasanju koje je obavio Izmir Hadžićević, sekretar Doma naroda.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije, sa 37 glasova za, uz šest glasova protiv i uz tri uzdržana glasa, usvojio Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave.

6. Prijedlog Zakona o izmjeni Zakona o visini stope zatezne kamate na neizmirena dugovanja

Prijedlog Zakona utvrdila je Vlada Federacije.

Predstavnički dom je na 2. sjednici od 22.06.2011. godine usvojio Prijedlog Zakona u tekstu kako ga je predložila Vlada Federacije Bosne i Hercegovine.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ante Krajina, federalni ministar finansija.

Salko Selman, predsjednik Odbora za ekonomsku i razvojnu politiku, finansije i budžet, izjavio je da Odbor podržava ovaj prijedlog zakona.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz pet glasova protiv i uz pet uzdržanih glasova, usvojio Prijedlog Zakona o izmjeni Zakona o visini stope zatezne kamate na neizmirena dugovanja

7. Nacrt Zakona o izmjenama i dopunama Zakona o bankama

Zakon je u formi prijedloga utvrdila Vlada Federacije.

Predstavnički dom je na 2. sjednici od 22.06.2011. godine odlučio da Zakon razmatra u formi nacrtu i Zaključkom ga prihvatio.

Zakon su u formi prijedloga razmatrala nadležna radna tijela i dostavila izvještaje.

Na Prijedlog Zakona Amir Zukić je podnio amandman koji će se smatrati kao primjedba na Nacrt Zakona.

Nacrt Zakona obrazložio je Ante Krajina, federalni ministar finansija.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz četiri glasa protiv i uz četiri uzdržana glasa, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o bankama i smatra da može poslužiti kao osnov za izradu prijedloga Zakona.
2. Dom naroda zadužuje Odbor za ekonomsku i razvojnu politiku, finansije i budžet Doma naroda da se uključi u javnu raspravu koju će organizirati i voditi Federalno ministarstvo finansija u saradnji sa odgovarajućim radnim tijelom koje je zadužio Predstavnički dom. Javna rasprava trajat će 30 dana.
3. Odbor za ekonomsku i razvojnu politiku, finansije i budžet Doma naroda podnijet će izvještaj Domu naroda o provedenoj javnoj raspravi.
4. Zaduguje se Vlada Federacije da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

8. Nacrt zakona o izmjenama i dopunama Zakona o Agenciji za bankarstvo Federacije Bosne i Hercegovine

Zakon je u formi prijedloga utvrdila Vlada Federacije.

Predstavnički dom je na 2. sjednici od 22.06.2011. godine odlučio da ovaj zakon razmatra u formi nacrtu Zakona i Zaključkom ga prihvatio.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona obrazložio je Ante Krajina, federalni ministar finansija.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz pet glasova protiv i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o Agenciji za bankarstvo Federacije Bosne i Hercegovine i smatra da može poslužiti kao osnov za izradu prijedloga Zakona.
2. Dom naroda zadužuje Odbor za ekonomsku i razvojnu politiku, finansije i budžet Doma naroda da se uključi u javnu raspravu koju će organizirati i voditi Federalno ministarstvo finansija u saradnji sa odgovarajućim radnim tijelom koje je zadužio Predstavnički dom. Javna rasprava trajat će 30 dana.
3. Odbor za ekonomsku i razvojnu politiku, finansije i budžet Doma naroda podnijet će izvještaj Domu naroda o provedenoj javnoj raspravi.
4. Zaduguje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

9. Nacrt Zakona o ličnom imenu

Nacrt Zakona utvrdila je Vlada Federacije.

Predstavnički dom je na 2. sjednici od 22.06.2011. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Predrag Kurteš, federalni ministar unutrašnjih poslova.

Mijo Matanović je, ispred Komisije za jednakopravnost spolova, izjavio da Komisija podržava Nacrt Zakona uz prijedlog za održavanje javne rasprave u svim kantonima uz obavezno učešće Gender centra Federacije Bosne i Hercegovine.

U raspravi je učestvovala Mira Ljubijankić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz četiri glasa protiv i uz četiri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o ličnom imenu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

10. Program rada Vlade Federacije Bosne i Hercegovine za 2011. godinu

Program rada utvrdila je Vlada Federacije.

Predstavnički dom je na 2. sjednici od 22.06.2011. godine razmatrao Program rada i Zaključkom ga prihvatio.

Program rada razmatrala su nadležna radna tijela i dostavila izvještaje.

Program rada obrazložio je Desnica Radivojević, zamjenik premijera Federacije Bosne i Hercegovine.

U raspravi su učestvovali: Hajrudin Bećirović, Mustafa Kurtović, Ivo Divković i Sretko Radišić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz šest glasova protiv i uz jedan uzdržani glas, usvojio Program rada Vlade Federacije Bosne i Hercegovine za 2011. godinu.

11. Zaključak o učešću Vlade Federacije Bosne i Hercegovine u izgradnji spomenika Papi Ivanu Pavlu II

Predstavnički dom je na 1. sjednici od 19.05.2011. donio Zaključak o učešću Vlade Federacije Bosne i Hercegovine u izgradnji spomenika Papi Ivanu Pavlu II.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za i uz jedan glas protiv, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da zajedno sa općinama u Kantonu Sarajevo i Kantonom Sarajevo učestvuje u izgradnji spomenika Papi Ivanu Pavlu II.

12. Izbori i imenovanja

- Izbor članova iz Doma naroda u Parlamentarnu komisiju odgovornu za reviziju

Komisija za izbor i imenovanja Doma naroda je na osnovu Zakona o reviziji institucija u Federaciji Bosne i Hercegovine razmatrala prijedlog za izbor članova iz Doma naroda u Parlamentarnu komisiju odgovornu za reviziju i dostavila Izvještaj kojim je predložila članove i predsjednika Komisije.

Izvještaj je obrazložila Daliborka Milović, predsjednica Komisije.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 37 glasova za, uz dva glasa protiv i uz jedan uzdržani glas, za članove Parlamentarne komisije odgovorne za reviziju iz Doma naroda izabrao: **Almedina Aliefendića, Senahida**

Šakovića, Luku Faletara, Stipu Pelivana, Slađana Ilića, Miru Ljubijankić i Anera Žuljevića.

Budući da je Komisija za izbor i imenovanja predložila Senahida Šakovića za predsjednika Parlamentarne komisije odgovorne za reviziju, Dom naroda je, sa 33 glasa za, uz tri glasa protiv i uz četiri uzdržana glasa, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine predlaže **Senahida Šakovića** za predsjednika Parlamentarne komisije odgovorne za reviziju.

* * *

Sjednica je završena u 17 sati.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Karolina Pavlović